



Universitätsbibliothek Paderborn

**Croesvs Et Codrvs. hoc est, Copiæ Et Inopiæ Damna vel
Lvcra, à bono iustoq[ue] Mundi Gubernatore Deo
Distribvta**

Stengel, Georg

Ingolstadij, 1648

§. 6. Exempla punitorum ob auaritiam.

[urn:nbn:de:hbz:466:1-52359](#)

§. VI.

Exempla punitorum ob auaritiam.

Et quoniam diuites, cùm se satis habere existiment, non admodum frequenter afferuidè orant: *Panem nostrum quotidianum, da nobis hodie; illud saltem prouidit Deus, vt pauperes, qui ab illis stipem accipiunt, pro illis orent.* Quia verò sæpe contrarium accidit, vt non pauperes à diuitibus, sed diuites à pauperibus accipient, siue per vim, siue per fraudem; mutatur quoque genus orandi, & pro benedictione maledictio à Deo petitur, & impetratur. Audit enim clamores pauperum Deus; & voces lamentantium nubes ac cælum penetrant. Hac de cauſa euersum est olim à barbaris Romanū Imperium, tunc nimirum, quando in capite delictorum fuit auaritia. Ea scilicet erant vota, eæ preces egenorum; quod Saluianus testatur. *Iam verò illud, inquit, cuiusmodi, aut quam graue; genere quidem dispar, sed iniqutate non dispar: nisi forte in hoc dispar, quia maius: proscriptiones dico Orphanorum, viduarum afflictiones, pauperum cruces; qui ingenscentes quotidie ad Deum, finem malorum imprecantes;* & quod grauiſſimum est, interdum vi nimis amaritudinis, etiam aduentum ho-

Saluian.
l. 7. p. 72.

150 *Cap. VI. Divitiarum cupiditate*
stium postulantes, aliquando à Deo impetrarunt, ut euersionem tandem à barbaris in commune tolerarent, quam soli antè à Romanis tolerauerant. Legantur veterum annales, inspiciantur historiæ: cælum, terra, omnia elementa reperientur pro Deo pugnasse, atque diuitias impiorum pessum dedisse. Cendrenus refert, initio Imperij Michaëlis Paphagonis, grandinem impetu intolerabili delatam, non frugiferas modò sterilesque arbores confregisse, sed domos quoque deiecisse, & templa ac segetes vitesque solo allisisse. Vnde summa sterilitas est secuta. Sub Iuliano Imp. apostata, Alexandria maris æstu sic inundata est, vt eo in locum suū regresso, in tectorum tegulis scaphæ marinæ sint repertæ. Diem eum, quo recessit, inter anniuersarios sacrum deinceps celebrarunt Alexandrini, & Deo pro liberatione gratias egerunt, qui cum homine malo malam quoque abduxit tempestatem, quam is ipse adduxerat. Quod plerumq; fit. Nam, ut Sigonius scribit, Anno salutis 589. Italia ab Authari Longobardorum rege misera afflictæ, quasi affligentis delicto contaminata balneo indigeret, continuis imbris, Octobri mense cælo effusis, tanta aquarum illuies

Niceph.
l. Jo. c. 35.

Carol. Si-
gon. lib. i.
de regn.
Ital.

illuuies Italiam totam inuasit , quantum post antiquum diluuium nulla hominum , aut litterarum memoria prodidit. Nam ex undantibus amnibus non campi solùm passim in stagna conuersi , & viæ itineraq; confusa sunt, sed tecta etiam subruta , atque homines passim, pecudesque nullo discrimine perierunt. Veronæ Athesis amnis ita crevit, ut aqua ad ædem D. Zenonis peruenegit. Quod verò pro insigni miraculo S. Gregorius scripsit, Authari ipso rege spectante, aqua apertis templi januis irruens, templū tamen ipsum non iniit : & paulatim crescens usque ad fenestras, quæ proximæ tecto erant, euasit. Qui verò in templo remanserunt, cùm elabi inde non possent, aquam tamen ad januam templi venientes hauriebant, neq; ab eius impetu aliquid horæ accipiebant. Ea ædes fuit, quæ hodie in ripa Athesis sita Oratorium S.Zenonis vocatur. Templo ipso incolumi, tamen muri vrbis vi aquæ multis in partibus subruti prociderunt. Quin etiam Romæ Tyberis exitu Octobris adeò intumuit, ut super moenia scandens altiores quoque vrbis regiones latè omnes obsederit. Itaque non solùm innumerabiles domos subuertit, sed horreis

etiam Ecclesiæ deturbatis frumenti numerum ingentem corrupit. Quodque homines nouo stupore defixit, magna serpentum turba cum ingenti dracone, secundo flumine, in mare delapsa, quæ post salsis fluidibus hausta, & ad littus eiecta intuentibus omnibus memorabile spectaculum edidit. Quot tunc terræ fructus, quot iumenta & alia animalia, quot vestes, quot domos, quot thesauros putemus periisse? quemadmodum & in alijs similibus pluribus cladibus, de quibus in libro de Mundo & Mundi partibus egi. An frustra Deus tales plagas immisit? Digni erant homines, priuari opibus, quarum abusu dignis Deum honoribus priuauerunt.

§. VII.

Militiae auaritia cur? & quo modo à Deo plectatur?

Neque rex tantum in caussa fuit, quodiuinus judex fortè tamquam flagello usus est, sed saepe populus ipse oppressus, à Superioris eiuscmodi pœnas extorsit, saepe etiam meruit; neque raro, ut communis clade pletterentur, omnes à summo ad imum pecauerunt. A summis incipiamus. Tales enim Iudæorum principes describit Isaías his